

欽定中樞政考

欽定中樞政考目錄卷之八

緣營

儀制

實外文武各大員於陞補後更換頂帶定制  
外省武職來京陪祀行禮

武職官員謝

恩

副將自行具摺謝

恩

提鎮

勅書提塘領發

總督提鎮因公相見

請給鞍馬

各省巡撫兼提督銜准戴花翎

山西巡撫兼管提督印務

軍前獎賞翎枝

降革留任官准用朝服頂帶

番役子孫出仕應考限制

提鎮等官不准坐轎

提鎮年老不能乘騎自行奏請坐轎

禁止營伍細樂

禁止披執

出境迎送

因公出境

迎送不到

禁止多帶騎從役使

各省將軍都統督撫提鎮來京隨帶役使

金匱要略卷之九十一  
禁止調任將軍大臣帶從本省官兵

穿用朝服

頂帶補服坐褥錯誤

服色僭越

居喪婚娶

押送象隻

京外文武各大員於陞補後更換頂帶定制  
嘉慶十一年三月內奉

諭京外文武各大員於陞補後更換頂帶之處前經  
大學士等會同該部詳議具奏業經降旨通行所有  
在京各員一經謝恩瞻叩自應卽將頂帶更換以符  
體制乃新授盛京禮部侍郎成格於上月二十九日  
降旨補放後次日朕由南苑進宮時該侍郎已於道  
旁叩頭謝恩迨至本月初一日召見之時尙未更換  
頂帶當經詢以因何不換頂帶之故據稱因未蒙召

欽定中樞政考

卷八

備制

三

對是以不敢遽換頂帶等語殊屬拘泥糊塗叩頭謝  
恩卽係見面與宮中召對何異試思在京補放人員  
往往有具摺謝恩不卽召見或隔至數日始行召見  
者豈遲之又久均不更換頂帶乎嗣後在京各大員  
凡係加恩陞補其應行遞摺謝恩豫備召見者若於  
是日召見應俟召見後更換頂帶若得旨後先經在  
道旁叩頭謝恩者卽著於叩頭後更換頂帶無庸俟  
至召見後至遇朕巡幸之時其前來行在具摺謝恩  
豫備召見者應均照此行如有降旨不令前赴行在

者亦著於奉到發回謝恩摺時一律更換頂帶此外京員內有具呈代奏謝恩者並著於奏聞後卽將頂帶更換至外省各大員於奉到部文後應行具摺謝恩來京陛見如奉命來京自應於瞻覲後更換頂帶其有旨且緩陛見者並著於謝恩摺批迴後卽行更換頂帶以昭定制而示遵守將此通諭知之欽此

道光二年四月內奉

上諭近來京外各官遇有遷擢皆於召見及接奉批摺後始換陞銜頂帶本非舊制嗣後京外陞任人



員京官俟奉有諭旨外官俟接到部文後著卽換  
用陞銜頂帶欽此

外省武職來京陪祀行禮

各直省提督總兵副將來京恭遇

壇

廟祭祀及

皇上陛殿

新蒞諸大典兵部將該員等職名先期開送禮部太  
常寺都察院至期一體陪祀行禮如有事故  
亦先期查註

武職官員謝

恩

一月選各員兵部於具題奉

旨後按月開造職名移送鴻臚寺其題陞揀發輪用  
滿員豫行保舉並揀發衛守備分別營衛之  
千總軍政卓異保列一等及降調革職奉

恩旨從寬留任之員漢承襲世職等員兵部帶領引  
見奉

旨後開列職名移送鴻臚寺聽其定期傳令謝

恩如有患病丁憂事故不能依限赴寺者該員自行

呈明鴻臚寺查覈補行謝

恩倘有無故逾限不到者鴻臚寺查參察議

例載處分則例

儀式

門

副將自行具摺謝

恩

道光二年九月內奉

上諭向例簡放道府人員皆具摺謝恩因思副將係  
武職二品大員著兵部帶領引見述旨後亦照道  
府例令該員自行具摺謝恩以備召見著爲令欽  
此

提鎮

青堤塘領發

一堤督總兵

勅書內閣撰出之日交與該省提塘遞發

總督提鎮因公相見

乾隆元年三月內奉

旨督撫有節制重寄而提鎮乃彈壓大員凡到任離任及因公出境入境例應具題者所以慎職守重封疆也查川陝江西等省提鎮與總督隔省駐劄遙遠無赴省相見之例惟雲南廣東浙江福建等省有因赴任之初由省而見總督者有因巡查地方離省不遠順便謁見者蓋因苗疆重地或濱海要區當日軍務倥傯海氛未靖之初是以不行題達竟赴省城與總

督面商機務此乃一時權宜遂爾相沿成習此時若不酌定條規恐大小官弁視爲固然徒長奔競趨謁之風而不顧職守之曠誤與否是不可不防其漸也嗣後提鎮之與總督若係平常事件祇許文移來往如有緊要公務必須親見總督而言者或總督有應行檄調面議者俱將因公起程及回署日期繕疏題明至所帶兵役仍照部議巡查之例不得過三十名免至兵丁擾累汎守空虛永著爲例特諭欽此



請給鞍馬

一直省提鎮未經請賞鞍馬者在內於奉

命之日在外於入

觀到京之日將現在職銜會否實授並有無降革事

故開明具揭兵部查覈移咨禮部具奏應否

賞給恭候

欽定

各省巡撫兼提督銜准戴花翎

嘉慶十一年十月內奉

諭各省巡撫中兼提督銜者有節制各鎮統轄闔省  
管員之責前曾准令戴用花翎以資表率現在山東  
巡撫長齡河南巡撫馬慧裕俱先經賞戴花翎其江  
西巡撫張師誠安徽巡撫初彭齡山西巡撫成寧均  
准其戴用花翎嗣後此五省巡撫簡任時卽准其照  
例戴用如調任他省有旨賞戴方准戴用欽此

山西巡撫兼管提督印務

一山西巡撫缺出奉

旨補放後兵部將山西提督印信應否卽令兼管之處奏

聞請

旨

軍前獎賞翎枝

一滿員曾在軍前効力獎賞花翎藍翎者補放  
綠營後仍准戴用

降革留任官准用朝服頂帶

一降級留任革職留任武職官員仍用本任品

服

番役子孫出仕應考限制

嘉慶七年十月內奉

旨吏部議覆給事中恩治奏步軍統領衙門番役應否  
准其出仕應試一摺番役一項專司緝捕盜犯原與  
隸卒無異凡各衙門皂役人等例不准其爲官其子  
孫亦不准應試則番役自應比照此例以昭畫一乃  
從前步軍統領衙門往往因番役拏獲要犯輒奏請  
賞給頂帶如番子頭役馬凱卽洊賞守備職銜且番  
役子孫並有應試出仕者殊不足以別流品而重名

器著步軍統領衙門查明番役中從前得過頂帶者除馬凱業經降革外其現在尚有頂帶之人祇准暫留頂帶不准實缺補用其子孫應試曾經進學及中式者留其舉貢生員不准選用官職此後亦不准再行應考如現有出仕者概令撤回嗣後步軍統領衙門遇有番役緝捕勤奮祇准量加獎賞卽實有拏獲要犯者亦祇可從優加賞毋許給予頂帶倘再行濫請卽以違制論餘依議欽此

嘉慶八年十一月內奉

上諭御史王麟書奏步軍統領衙門請將番役一項仍  
准子弟居官實屬率意妄奏等語番役人等專司緝  
捕與各衙門隸卒無異其子孫自不准入仕應試上  
年特降諭旨著之令典如有再行濫請以違制論原  
所以別流品而重名器今祿康等輒以招募無人仍  
請准其子弟居官妄行籲懇初奏上時朕卽以爲事  
不可行勅交該部詳議具奏諒部議自必駁飭卽或  
經部議准朕亦斷不允行王麟書據實劾奏實屬持  
正可嘉隸卒人等所以不准入仕考試者賤其役非



賤其人尋常氓庶原係良民一經充當差捕則執役  
微賤自不得濫邀登進若謂係由良民而來則各衙  
門皂役獨不自良民來乎况上年甫經降旨定例遵  
行番役等從前得過頂帶不准以實缺補用其子孫  
應試中式者祇准留其舉貢生員不准選用官職其  
現在出仕者概令撤回今未及一年復請准令入仕  
予奪靡常成何政體且據祿康面奏此項番役卽不  
便令其濫廁文員或請加恩准令備官武職俾知鼓  
勵更屬非是國家文武分途名器則一有何高下若

准令補授武職日後必致漸厠文階又將何以限制如謂良民咸知賤役不肯踴躍充當則各衙門皂役設亦挾制官長以此爲詞豈將隸卒子孫亦概准其居官考試有是理乎看來祿康等未免爲番役所挾制或竟受其慫恿意存市恩故爲此奏殊屬冒昧祿康范建豐皂保均著交部議處所有祿康等原奏之摺該部無庸議奏仍著照舊例行欽此

嘉慶二十五年十二月內奉

旨步軍統領衙門番役向由清白良民充當嗣因御

史條奏番役子孫不准應考出仕經吏禮二部議  
准惟思該番役內現有身任守備等官者其子孫  
何以獨不准其應考出仕嗣後番役子孫著准其  
應試武場出仕武職仍不准由文途考試出仕以  
示限制欽此

提鎮等官不准坐轎

嘉慶四年六月內奉

上諭前於乾隆二十二年

高宗純皇帝曾經降旨通飭各直省駐防將軍副都統等提鎮各員以武職大員理應訓練兵丁勤習操演如有自耽安逸輒行乘轎者必嚴加懲治

聖諭至爲明切乃近年以來日漸廢弛朕聞各省不但將軍提鎮等公然坐轎卽副叅以下多有坐轎出入者現閱阿迪斯奏直隸提督衙門兵馬冊檔內開有

全史卷之二十一  
轎夫十八名俱係戰兵充役而涼州副都統和興額亦以該處城守尉烏靈阿擅行坐轎奏奏可見外省大小武職相習偷安違例乘轎竟同一轍朕自蒞政以來屢次訓飭八旗官兵務須嫻習騎射熟練技勇而於各省陳奏營伍情形批答時總以實心操練爲場今據阿廸斯和興額等所奏是身任武職者竟惟知自圖安逸又安望其爲各營表率況武職官員卽自行雇夫擡轎已屬違例乃竟以戰兵充役此風尤不可長著再行通諭各省駐防將軍副都統等及提

真各員嗣後如再有違例乘轎者或經叅奏或經訪聞必治以應得之罪如駐防城守尉以下綠營副叅以下有犯尤當從重治罪決不稍貸將此通諭知之

欽此

遇年老不能乘騎自行奏請坐轎

外省提鎮概不許坐轎如有擅行乘坐者照

違

律治罪若年逾七十不能乘騎者該員自行酌量

具奏請

旨如因公赴京倘遇地方向無馬匹之處或本處偶

值天雨不能乘騎時暫准其坐轎其副將叅

將以下擅行坐轎者革職

禁止營伍細樂

乾隆二十二年三月內奉

上諭今日朕至杭州省城其接駕之綠營兵丁有奏簫管細樂者夫身隸行伍當以騎射勇力爲重戍樓鼓角不過用肅軍容卽古者饒歌鼓吹之詞亦以鳴其和勝之氣耳若彈絲吹竹技近優伶豈挽強引重之宜相效此等綠營陋習各省均所不免可傳諭各該督撫提鎮等轉飭所屬標營副後營伍中但許用鈺鼓銅角其簫管細樂概行禁止欽此



禁止披執

一 廐甲旗纛軍裝等項除查驗操演日期及本  
管大員經臨查點穿戴執持外如

欽差大員經過該巡防弁兵披執迎送將該管官察

議  
例載處分則  
例儀式門

出境迎送

一 提鎮赴任所屬將弁於是日迎接除跟役外  
司事兵丁不得過十名出城不得過五里到  
將叅將遊擊等官赴任本標員弁於是日迎  
接除跟役外司事兵丁不得過五名出城不  
得過三里至從境內經過者止許在本營汛  
地經過處所迎送如屬員多帶兵丁越境迎  
送查係因事營求或乘便賄賂將該弁革職  
提問如止出境迎送無營求賄賂等情者察

議

例載處分則  
例儀式門

若上司必欲屬員遠迎致屬

員畏其威勢迎送者如有勒索情弊或被屬

員詳揭或經督撫查叅將上司革職提問如

止令迎送無勒索情弊者察議

例載處分則  
例儀式門

其迎送之屬員俱免議

因公出境

一因公出境官員遇有疎防失察等案該

提鎮將該員於某月日因何事公出何處

一聲明報部查核如並未因公出境捏報

避者革職徇情轉報之上司議處  
例載處分則例公武

門其陞遷降調及有事故離任之員原任內

遇有疎防失察等案果係因公出境接任官

查明前官公出月日及何事公出何處具詳

督撫提鎮報部倘將前任公出之處失於查

報誤將職名開送者將誤行開送之員及轉

報之上司分別察議

例載處分則  
例公式門

迎送不到

一恭遇

皇上行幸所過地方幾里以內官員接送之處臨時

該衙門具奏請

旨若所定里數之內有不到者按不到次數分別議

處

例載處分別  
例儀式門

禁止多帶驢從役使

一凡遇

祭祀日期隨

駕前引後扈大臣侍衛及有執事侍衛官員拜唐阿  
等俱於

午門外騎馬一品跟役三名二品跟役二名三品  
以下侍衛官員拜唐阿俱各跟役一名騎馬  
跟隨如有多帶跟役及無執事人等混行者

管轄大臣卽行指名題參分別治罪

各省將軍都統督撫提鎮來京隨帶役使

乾隆二十九年四月內奉

上諭前因各省將軍都統等所轄弁兵濫行差遣及私  
事隨帶役使漫無節制曾經酌定額數旋以該弁等  
往來道途遠離職役或致貽誤操防因降旨概行飭  
禁今據大學士尹繼善奏稱將軍督撫等來京陛見  
祇候宮門僕從所不能到若無有職人員供其使令  
亦多未便嗣後仍著照原定額數酌帶給用但不得  
任意多派致地方營伍曠弛著通諭各將軍都統督



撫提鎮等知之欽此

禁止調任將軍大臣帶從本省官兵

乾隆三十二年四月內欽奉

諭旨各省將軍大臣等嗣後除稽察所屬地方操演兵丁及來京陛見仍行回任者著照例帶從外其調任者著禁止如有仍行違悖者經朕查出嚴加治罪  
欽此

穿用朝服

一官員於應穿朝服之日不穿或違例錯穿者

俱察議

例載處分則  
例儀式門

頂帶補服坐褥錯誤

一官員帽頂補服坐褥各照本身現任品級不許計算加級違者將該員及失察之該管上司分別察議例載處分則例儀式門其頂帶補服坐褥不相符者亦照此例議處

服色僭越

一官兵人等服色俱有定制惟

上賜准其服用外如有越分僭用服色如黃色秋香

色五爪龍緞立龍緞團補服之類者係官革

職係兵丁枷號一個月責四十板俱將僭用

之物入官該管兼轄統轄各官提督總兵按

每案次數分別察議僭用平常服色者係官

察議係兵丁責二十板該管兼轄統轄各官

提督總兵亦按次數分別察議

例載處分別  
例儀式門一

居喪婚娶

一白齒朝之土下逮門內有生監者三年之喪  
終喪不得嫁娶違者奪爵褫服

押送象隻

一押送進

貢象隻如有在途倒斃者將押送武職官員照餒

養不善例議處

例載處分則  
例馬政門

年滿千總領峇赴部遲延

開浙山東等省駕送監造戰船

未經俸滿千總各弁年衰勒休

隨征立功兵丁

洞庇題調屬員

私用永不敘用人員

軍營休致人員起用

復姓更名



特交會議之件公同定議

嘉慶二十一年十月內奉

上諭國家設立部院衙門遇有交議事件各堂官應虛衷商確俟詢謀僉同方可畫稿聯銜具奏如事關重大有交大學士軍機大臣會同各該衙門議奏者原以一人之心思有限衆人之才識無窮尤應公同籌酌以期事臻盡善或其事衆人皆以爲是中有一人獨覺其非卽應抒其所見向衆人剴切陳說其言果當衆人自當擇善而從其言不當衆人亦可面折其

非如其人心仍不服朝廷本有兩議之例卽當自抒  
已見據實直陳候朕裁定朕執兩用中言之是者卽  
降旨俞允言之非者亦必降旨駁正乃近有公同會  
奏之事有一二人又於召見時以所議未協向朕前  
密陳是竟勉強唯阿而復退有後言其心實私而不  
公豈忠誠體國之義乎嗣後凡遇特交會議之件務  
須公同定議必意見毫無異同方可會銜陳奏若意  
見不合卽單銜具奏其會奏摺內毋庸列名此時在  
廷並無攬權專擅之臣倘有遏抑羣言阻其獨奏者

准其人指名叅劾若於畫稿具奏之後向朕前復生  
異議則是首鼠兩端其人殊不足取茲特明降諭旨  
詳悉曉諭以後凡特交會議摺內俱先將此旨恭錄  
於前所有此次御史羅家彥條奏籌畫旗民生計交  
入旗都統會議一摺奏上時卽著將此旨載入欽此

提鎮分別

陛見

乾隆二十二年十一月內奉

上諭各省提鎮皆有專闕之責履任三年已滿自應請旨陛見朕得隨時察看以別賢否向來未經定有成例或有間越數年不行奏請入覲者殊非慎重職守之意嗣後各提鎮著照藩臬之例三年已滿奏請陛見如未允准次年仍具摺請旨其踰期不行陳請者該部卽查明具奏欽此

乾隆二十四年十月內奉

上諭前經降旨令各省提鎮履任已滿三年請旨陸見其踰期不行陳請者著該部查明具奏今兵部查奏踰期未請陸見人員內廣東提督胡貴古州總兵李勲二員或因曾經調用遂以新任計算未滿三載爲詞雖屬遷延情猶可恕至段起賢自授左江鎮總兵迄今已及五載雖於本年七月內曾一奏請而踰應奏之期已一年有餘更無可解免著交部察議嗣後各省提鎮均遵前旨一屆三年卽行奏請不得以調

任展扣稽遂致違覲典欽此

嘉慶五年二月內奉

上諭向來各直省督撫藩臬大員遇有陞調各事宜不論甫經請訓與否輒行照例具摺奏請陞見殊屬非是內外官員各有職守外省大吏不能時常進京亦猶在京官員不能時常奉差外出况督撫藩臬政務繁多當以地方爲重若僕僕道途必致苦累地方供給於公事又致曠廢如果盡心供職又豈必以瞻覲抒誠徒事紛紛瀆請耶嗣後督撫提鎮藩臬除奉特

旨諭令來京外其曾經見朕者總俟三年後再行奏  
請人覲卽有陞調亦不必陳請陛見各省將軍副都  
統除年例輪班來京外其有陞調他省者均一體遵  
行欽此

嘉慶六年五月內奉

上諭玉德奏請各鎮總兵分年輪班陛見一摺所奏甚  
是各省文武大員三年奏請陛見一次固屬定例但  
是前次任現無應辦緊要事件方可循例來京亦無  
有提鎮大員同時奏請之理乃近日外省習氣不

以地方職守爲重動輒奏請陛見以伸忱悃及到京  
召見後又往往懇補京職徒事虛文無裨實政殊屬  
無謂朕每日召對廷臣不下十餘人豈以外省入覲  
之員接見爲煩蓋地方大員職守綦重若僕僕道途  
於公事必多曠廢茲玉德所奏閩浙兩省總兵李長  
庚倪定得等分年論班入覲自應如此辦理著照玉  
德所奏不必拘定陛見年分亦不必限以年底總視  
各鎮現無應辦要務者每年酌令輪替來京瞻覲以  
重地方而昭職守各省均當一體遵行將此通諭知



之欽此

嘉慶十五年七月內奉

上諭向來秋獮啟鑿以前在京各部院大臣朕俱通行  
召見而直隸總督提督密雲副都統馬蘭鎮總兵長  
蘆鹽政俱於啟鑿前一日齊赴御園請安伊等既經  
來園卽不能不一體召見及見面時並無陳奏事件  
且伊等次日卽詣清河接駕隨至南石槽遞摺請安  
聽候召見是先期赴園一節實屬繁文除此次總督  
鹽政應有應辦要工鹽政當年督緝私鹽遵旨毋庸

前來外嗣後啟鑿前一日該總督提督密雲副都統  
馬蘭鎮總兵長蘆鹽政俱不准赴園請安至每年密  
雲副都統派出營總率皆奏請應否賞穿黃馬褂此  
係循例之事從無不准穿用年分以後著不必奏請  
俱准穿用欽此

臺灣鎮總兵不必奏請

陛見

嘉慶十六年二月內奉

上諭臺灣鎮總兵武隆阿奏懇來京陛見一摺臺灣遠隔重洋在海疆中尤爲最要之區該處文武大員惟鎮道二人管轄兵民職守綦重雖洋面肅清漳泉客民鬧案亦俱完結但地處重鎮時資彈壓該鎮豈容暫離卽如新疆辦事大臣從無奏請陛見之事邊疆外海宜同一例武隆阿所請著不准行嗣後臺灣鎮

總兵除有陞調准其奏請陞見外餘俱不得奏請陞  
見著爲令欽此

直隸省總兵等官毋庸分班

陸冕

嘉慶十六年十月內奉

上諭向來密雲副都統及直隸各鎮總兵因距京較近每遇元旦暨萬壽節皆豫期奏請來京慶賀朕或據摺批准或不令前來並未定有章程嗣後直隸各鎮除馬蘭泰寧二鎮外其天津正定宣化三鎮著同密雲副都統四人分爲二班每歲輪派二人於封印後來京作爲年班本年卽派慶長前來再著溫承惠於

正定宣化二鎮內酌定一人與慶長爲一班至明歲  
卽派多福等二人爲一班以後均毋庸豫期奏請其  
每歲萬壽節該四員俱不必奏請來京叩祝欽此

道光二年十一月內奉

上諭顏檢奏各鎮應值年班可否飭令進京叩賀一  
摺向來每遇元旦直隸各鎮同密雲副都統輪派  
二人於封印後來京作爲年班惟念該總兵等俱  
有彈壓地方之責著俟本年爲始所有大名正定  
宣化三鎮及密雲副都統每歲輪班來京祝賀之

處永遠停止該總兵等其各盡心職守加意操防  
用副委任欽此

護送貢使之總兵事竣自行請

訓

嘉慶二十五年正月內奉

上諭向來護送外國貢使來京之文武官員及委解銅鉛木植之運官皆由該部帶領引見應遞摺請訓者於述旨後再行請訓因思文職知府以上武職總兵來京者例准遞摺請訓嗣後此項護送官及解官除文職同知以下武職副將以下仍由該部帶領引見外其文職知府以上及武職總兵俱令於事竣時自



行遞摺請訓不必先行引見以省繁文其道府內有  
陞補後未經引見者仍照例先由該部帶領引見此  
次廣東護送暹羅國貢使來京之廉州府知府何天  
衢卽著毋庸引見飭令該員自行遞摺請訓欽此

內外大員毋許呈遞遺本

嘉慶十七年七月內奉

諭昨日內閣呈遞永州鎮總兵武自珍遺本因令詳查舊式從前各大員身故呈遞遺摺者居多將軍督撫內亦間有齎進遺本者原無一定程式外省題進本章例應鈐用印信拜發時並有行禮儀注本任之員已故則印信封固不當擅用且係何人代爲拜發其事全屬蹈虛嗣後內外大員應遞遺摺者仍准其照舊呈遞其遺本一項著概行停止欽此

伊犁總兵俟調回內地再行奏請

陛見

一伊犁鎮總兵俟年滿調回內地再行奏請

陛見

官員引

見聲明外戚

嘉慶十三年閏五月內奉

旨嗣後凡遇皇后皇貴妃貴妃妃嬪貴人常在之祖父胞伯叔兄弟等帶領引見時綠頭牌上註明將此通諭入旗各部院衙門內務府欽此

官員引

見聲明大員子弟

嘉慶二十一年二月內奉

上諭向來各項引見人員內有大員子弟皆不聲明朕無由知悉逮簡用後其父兄具摺謝恩朕始知之嗣後無論京察軍政及京外各項引見人員內凡滿漢文武二品以上大員之子弟俱著自行呈報引見時於綠頭籤內註明如有漏報者查出交部議處欽此

嘉慶二十四年五月內奉

上諭嗣後引見及射布靶滿漢官員其祖父係一二品大員者無論原任現任皆於籤內註明其兄弟現任一二品大員者亦於籤內註明欽此

一京外各項引

見人員內有祖父係一二品大員無論原任現任及兄弟現任一二品大員者均自行呈報兵部於綠頭籤內註明

副將叅將分別年分送部引

見

一各省副將叅將按道里遠近酌定年分雲南  
貴州四川廣東廣西福建等省以七年爲期  
江西浙江湖南湖北陝西甘肅等省以六年  
爲期江南河南山東山西直隸等省以五年  
爲期屆期各該總督提督等將該員分別出  
具考語送部引

見至旗員副將歷俸五年叅將歷俸七年調取引

見時或應留京或回原任恭候

欽定如副將奉

旨留京以旗員補用者所遺之缺仍於應用旗員內

揀選帶領引

見請

旨補放再副將叅將內有未經俸滿之前經該督撫

提督保舉卓異一等等項送部引

任者俸滿之日暫停咨送卽以引



見之日起分別滿漢七年者改爲五年五年六年者  
改爲四年再行送部引

見

題補推陞官員送部引

見

一題補推陞官員引

見已滿三年者俱送部引

見未滿三年者停其送部其應行送部人員均俟引見奉

旨准補後再行開缺如實有緊要差遣不能依限赴部者該督撫於本內聲明兵部題准給與署

創事竣引

見後令其實授該員底缺卽於奉

旨給與署劄之日歸入題選至遞行題補官員應行  
送部者俟首題之員引

見奉

旨准補後再將接次題補之員陸續送部其曾經豫  
行保舉引

見註冊候掣之員經該督撫以題缺需人題請陞補  
者兵部照例題覆毋庸調取引

見

辦差來京官員就近引

見

一題陞題署推陞并軍政卓異薦舉官員及將  
備年屆六十六歲保題留任例應引

見人員適遇該員因公辦差來京於差竣之日呈明  
兵部行文該管衙門查明該員並無未清事  
件咨覆到部帶領引

見恭候

欽定

提督總兵奏章不許虛文塞責

嘉慶五年六月內奉

上諭提督總兵皆係一二品大員向有奏事之責而近來各提鎮所遞奏章祇屬循例奏報雨水及請陞恩謝恩等摺於該管事務從無一人奏及其識見若何朕亦無由而知從前雍正年間各提鎮於地方營伍事務條陳利弊者甚多此時各提鎮卽以地方事件本非專辦未能深悉而營伍是其專責亦未將如何整飭訓練之處隨時陳奏本日蘇靈差人賫摺專係

恭謝恩賞千叟宴詩并用駢句掉弄文墨殊屬非是  
著傳旨申飭嗣後各提鎮應循照雍正年間各武職  
奏事舊規將營伍事件認真經理如有所見不拘清  
漢字繕摺具奏卽地方事務遇有關繫緊要者聞見  
既確亦當據實奏聞毋得仍前僅以尋常奏謝及具  
報雨水等摺塞責將此通諭各提鎮知之欽此

總兵官遇事專摺具奏

乾隆五十二年六月內奉

上諭湖南鳳凰廳屬苗匪石滿宜等搶奪拒捕滋事不法一案總兵尹德禧會同該道親率將備官兵前往直搗賊巢立時平燬生擒首犯石滿宜等所辦妥速可嘉已明降諭旨將該總兵交部從優議敘並賞戴花翎以示獎勵矣此案該總兵本屬有功無過但尹德禧有奏事之責於所屬苗匪滋事不法帶兵前往剿捕理應一面查辦一面具奏由驛馳遞何以該鎮

於此事始終並不專摺具奏僅以咨報浦霖俞金鼐聽其具奏完事耶且各省總兵俱例得專摺奏事者原不獨藉悉地方情形且據伊等所奏朕隨時可以觀其才具器識如該鎮等有喜事見長之人干預地方事務越俎妄陳者奏到時自難逃洞鑒至其本分應奏之事理應隨時據實陳奏乃近來各省總兵所奏不過具報到任及查閱營伍等事卽雨水收成亦不過間有奏及者但該鎮等果能將實在情形據以入告披閱之下設所奏與督撫不同或督撫有諱飾



之處原可參互照察降旨詢問以收兼聽並觀之益  
乃該鎮等卽使奏及雨水收成亦不過仿照督撫所  
奏敷衍塞責又妄用此具文爲耶著通諭各省總兵  
此後遇有地方緊要事件皆須專摺奏聞卽尋常雨  
水收成情形亦應隨時據實奏報毋得循照舊例虛  
應故事並著尹德禧於苗匪滋事一案何以不將查  
辦情形自行具摺之處據實覆奏將此通諭知之欽  
此

署理提鎮

一提督有事故離任其印務令就近之總兵署理如與巡撫相近則令巡撫署理總兵有事故離任其印務令就近之副將護理如副將營分寫遠者令就近之叅將護理仍報總督提督酌奪或人地未宜卽另行委員更替隨時奏

聞仍報明兵部

南澳鎮總兵缺出聞粵兩省輪次委署

一聞粵南澳鎮總兵駐劄閩粵交界地方屬兩  
省總督節制如遇該鎮缺出聞粵兩省總督  
輪次遴員委署隨時奏

聞

總兵副將出差分別奏署

一總兵遇有差務公出該督撫於委署時卽行  
奏

開至副將因公暫時差遣仍行回任者該督撫遴員  
委署咨部存案其有陞遷事故懸缺需員署  
理如委署在一年以內者恭疏具題如委署  
在一年以外者一面遴員委署一面奏

聞

陸署未滿年限并有事故不准實授

乾隆四十五年十二月內奉

旨吏部議覆直隸總督袁守侗題請滄州知州汪太鏞  
實授之處查該員任內有降職二級戴罪徵收等案  
尙未查銷與實授之例不符該督業經聲明應毋庸  
議一本所辦尙未周密各省督撫題奏陞調人員有  
與例未符者經部議駁朕特降旨允准原因其入地  
相需難拘成例若已經陞署卽係本任辦事之員有  
何迫不及待而必欲違例奏請實授乎此皆上司瞻

徇屬員欲題請實授爲陞轉地步最爲陋習從前會  
經降旨將未滿年限題請實授之督撫定以處分至  
題請實授有降罰案件與例不符者亦應將該督撫  
一併議處乃該部又因有業經聲敘應得免議之例  
未將該督議處夫旣知聲敘何不可待之有以致辦  
理不能畫一轉易啟該部高下其手之弊嗣後各督  
撫題請實授人員有與例不符者吏部議駁外卽將  
該督撫議處所有汪大鏞一案卽照新例行欽此

署職期滿

一分發委署試用各官該督撫提鎮等看其諳  
練營務人地相宜具疏題請實授兵部題覆  
准其實授後換給劄付以接劄之日起扣算  
與各官較俸陞轉

留部叅將分發

一留部以叅將補用人員如積至五員以上兵部卽行帶領引

見將有題缺省分開單進

呈恭候

欽定發往題補



守備三年俸滿送部

乾隆五十二年四月內奉

旨此項保送千總陞用守備時若僅交替撫提鎮驗看  
咨部不復調取引見如該督撫等果能秉公考驗將  
衰劣者據實叅劾固可將原保之督撫提鎮議處第  
恐該弁陞任後各該督撫提鎮彼此瞻顧雖經看出  
該員年力已衰或弓馬平常慮原保各上司因此被  
議不免有官官相護之見致衰庸之員仍得戀棧不  
可不防其漸嗣後保送千總陞用守備者著於抵任

三年後仍卽令出具考語來京引見一次在該員久  
經遷擢廉俸自比干總徵員稍優無虞拮据如此內  
有督撫提鎮驗看不實經朕看出者卽將原保及陞  
任後姑容之督撫提鎮一併照徇庇例嚴加議處如  
此辦理則各督撫等恐干議處隨時留心叅劾衰劣  
者自揣難邀留任當必及早引退其年力壯盛者引  
見時如果人材出色並可量加陞擢該員等知上進  
有階亦不憚於跋涉庶於優加體恤之中仍寓精明  
考覈之道立法更爲周備著爲令餘依議欽此

旗員事故回京年終引

見

乾隆四十二年六月內奉

上諭前經降旨令吏部查明滿洲蒙古人員由道府等  
官丁憂回旗已滿百日在各衙門行走者俱於每年  
十月帶領引見一次所有武職滿員副將以下丁憂  
俸滿病痊等事回京改用京職者著兵部做照吏部  
之例於每年年終帶領引見一次候朕酌量記名簡  
用外任其不記名者下次卽毋庸再行引見欽此又

奉

旨俸滿留京人員不必引見欽此

乾隆五十六年十一月內奉

旨向來武職內丁憂回旗之副將人員於每年冬間照  
文員之例帶領引見嗣後武職病痊起復在侍衛旗  
員上行走及終養事畢人員俱著照吏部文官之例  
於每年冬季一併彙齊引見欽此

年滿千總領咨赴部遲延

一各省年滿千總領咨赴部如有觀望遷延希  
圖王大臣驗放規避引

見者卽行叅處照規避例革職

閩浙山東等省駕送監造戰船

一閩浙等省製造戰船總督遴選幹員出具考  
語派委駕送奉天金州水師營交收妥協事  
竣赴部兵部奏請帶領引

見可否照豫保之例註冊恭候

欽定

一山東登州水師營戰船如應改造補造折造  
之船由水師營委實缺守備一員會同文員  
前往江南監造能於一年限內造竣前項船

隻航駛無誤該鎮道等驗明如式堅固將該員給咨送部引

見請

旨照豫保之例註冊陸用如一年限外始行完工計其遲逾月日分別議處

未經俸滿千總各弁年衰勒休

一各省未屆俸滿之千總把總外委如年未六十已形衰老者俱一體勒令休致



隨征立功兵丁

一督撫提鎮標下部冊有名外委隨征立功照把總例議敘部冊無名兵丁初次立功將姓名報部註冊再遇立功亦照把總例議敘

一兵丁隨征立功未補職官者該督撫提鎮收入標下効力給與目兵糧餉卽於標兵數內扣算倘有老病不能差操者給守糧半分不扣小建朋銀月支餉銀五錢於歲底造冊具

題

徇庇題調屬員

一 各省武職官員於題調之後若不加奮勉致有廢弛貽誤該上司或以甫經調補曲爲徇隱別經發覺者將該上司照徇庇例議處

處分則例  
考劾門

載例

私用永不敘用人員

一 莊奉

官者不敘用之人私用爲官者保題之員革職

軍營休致人員起用

一軍營奏請休致人員除因年老力衰休致者不復起用外其因一時受傷患病休致者將來傷病痊愈時可否准令起用之處該軍營大臣於原奏內先行聲明如果痊愈尙堪起用或由原籍或由原營令各該督撫就近親加考驗切實聲明專摺具奏如蒙

恩准再行給咨送部帶領引

見恭候

欽定

復姓更名

一綠營武職官員更名者令各督撫查明該員任內有無奉

旨不准保陞及曾經獲咎不准捐復並奉

旨旨永不敘用事故均各聲明如無前項事故仍照

例准其更改其候補候選在京投供有更名

者取具同鄉官印結聲明有無事故俱照前

例辦理如有前項不應更名呈請更名者本

員及出結轉詳各官俱照例分別議處至漢

員武職有出繼外姓後因繼父生有子嗣及  
遠祖曾經過繼子孫呈請復姓歸宗者亦照  
更名之例聲明有無前項事故及拖欠錢糧  
規避門戶逃脫丁差等事取具該管上司及  
原籍地方官印結并兩姓族隣甘結報部遊  
擊以上該督撫具題都司以下咨部彙題俟  
題准後兵部註冊換給劄付如有前項事故  
一經查出將該員及出結轉詳各官并督撫

均照例議處

例載處分則  
例公式門